

Elefantungar treng bestemor

Er du glad i bestemor di? Det er elefantungar også!

Av Irene Inman Tjørve | Publisert 03.05.2018 | Oppdatert 07.01.2020

Del  | Last ned 



Ein elefantunge. Foto: Shutterstock

Vaksne hannefantar lever for seg sjølv det meste av tida. Men hoene og ungene lever i familieflokkar. Som andre familiar leikar dei saman og er glade i kvarandre. Dei stoler på kvarandre og hjelper kvarandre. Og dei sørgjer når ein i familien dør.

Hoa er sjefen

I elefantflokken er det alltid ei gammal ho som er sjef. Ho blir kalla matriarken. Ho er mor, syster, tante og bestemor til dei andre i flokken. Ho er den som veit kvar flokken kan finne noko å ete, kvar dei kan finne vatn og kvar det er trygt å ferdast.





Ein elefantunge med bestemora si. Foto: Shutterstock

Større sjanse for å overleve

Forskarar har funne ut at elefantungar som lever i same område som bestemor si, har åtte gonger større sjanse for å overleve enn dei som ikkje har bestemor i nærleiken. Dei fann også ut at dess fleire ungar bestemor sjølv har fått, dess betre sjansar har barnebarna hennar for å overleve. Dette er veldig viktig å vite når vi skal passe på at elefantar overlever og har det bra. Det er viktig at dei får ha bestemor i nærleiken – ikkje minst i dyrehagar, der mange elefantungar ikkje overlever.

Livet på jorda

Dyr på land

Nyeste om dyr på land



Rev med rask rekord

Publisert: 22.01.2020



Snabla god luktesans

Publisert: 22.01.2020



10 spørsmål og svar om katter

Publisert: 01.12.2019

[Se flere artikler](#)